



**Sunjog: Projekt vrijedan tri miliona KM**

**Sunjog u Prijedoru**

**Češki OHL gradi vodovod**

► Ambasador Češke u BiH Tomaš Sunjog (Tomas Szunyog) izjavio je u Prijedoru da mu je drago što je češkoj građevinskoj firmi OHL iz Brna povjeren projekt izgradnje vodovodne mreže na sistemu Crno vrelo, vrijedan tri miliona KM. Češka firma gradit će 61 kilometar vodovodne mreže.

**CBBiH**

**Novi portal**

► Novi portal Centralne banke BiH (CBBiH) koji je pušten u rad ove sedmice korisnicima statistike koju producira banka daje najmoderniji alat za pregled i analizu. Koristeći ovu aplikaciju, osim uvida u podatke, korisnici će također imati mogućnost da vrše pretraživanje prilagođeno svojim potrebama, kombiniranje serija podataka, pravljenje prilagođenih izvještaja, generiranje grafikona na osnovu dostupnih podataka.

**Mostar**



**Bilo oko 700 izlagača**

**Zatvoren sajam**

► Međunarodni sajam privrede „Mostar 2014.“ na kojem se predstavilo 700 izlagača iz oko 20 zemalja svijeta jučer je zatvoren. Organizatori ističu da je, uprkos izuzetno teškoj privrednoj i socijalnoj situaciji, sajam i ove godine opravdao njihova očekivanja. Naglašavaju da je bilo najviše domaćih izlagača i privrednika. M.H.

**Statistika u RS**

**Više umrlih nego rođenih**

► U Republici Srpskoj u 2013. godini registriran je veći broj umrlih nego rođenih, potvrđuju podaci entitetskog Zavoda za statistiku. Najveći broj evidentiranih slučajeva rođenih osoba u RS zabilježen je u drugoj polovini 2013. godine, a umrlih u prvom i četvrtom tro-mjesečju.

## SUKOBI

Inspekcije tjeraju direktore da račune dijele poštari

# Pošte komunalnim preduzećima otimaju oko 20 miliona maraka

Pošte traže  
da poštari  
dostavljaju  
račune



Oko 1.000 naših radnika moglo bi ostati bez posla, tvrdi Zečević ● Vlada FBiH naložila inspekcijsima da natjeraju preduzeća da plaćaju poštama

Komunalna preduzeća u Federaciji BiH mogla bi ostati bez oko 20 miliona maraka godišnje ako Federalna vlada, odnosno preduzeća „BH Pošta“ i „Hrvatske pošte“ Mostar, nastave slati inspekcije u više od 70 preduzeća širom većeg bh. entiteta koja svoje račune korisnicima ne žele slati poštama.

Ovo je za „Avaz“ izjavio koordinator Udrženja po-

slodavaca komunalne privrede FBiH Hazim Zečević, upozoravajući na još jedan udar na firme koje ionako jedva posluju.

### Velike uštede

Prema njegovim riječima, posljednjih dana federalna inspekcija obilazi komunalna preduzeća i prisiljava direktore da poštama šalju račune za svoje usluge.

– U većini naših firmi nijihovi zaposlenici raznose račune, a ujedno očitavaju i brojila. Tako prave velike uštede. Ako bi poštama dali da to sve rade, oko 1.000 naših ljudi ostalo bi bez posla. Osim toga, zakon na koji se pozivaju pošte i inspekcije ne dozvoljava konkurenčiju, u koliziji je sa Zakonom o javnim nabavkama, o javnim preduzećima u

## Tirk bez odgovora

Komentar smo po-kušali dobiti i od direkto-ra Federalne uprave za inspekcijske poslove Ibra-

hima Tirk. No, iako smo ga kontaktirali nekoliko puta, nije odgovarao na naše pozive.

FBiH... Zato ćemo uputiti Ustavnom su-đu apelaciju da ocijeni ustavnost ovog zakona - kazao je Zečević.



**ZEČEVIĆ:**  
*Pošte žele monopol*


inspekcije u ovom slučaju, jer zadire u ovlasti kantonalnih inspektora - kazao je Zečević.

Naš list u posjedu je dokumenta koji je upravnik Centra pošta Mostar Esad Dželilo-

vi uputio preduzeću „Vodovod i kanalizacija“ u Konjicu, a u ko-

jem ih upozorava da moraju putem „BH Pošta“ po već utvrđenim cijenama slati račune svojim korisnicima.

Skoro isto pismo iz Ce- ntra pošta Tuzla upućeno je preduzeću „Vodovod“ u tom gradu, sarajevskim „Top- lanama“... S. MUHIĆ



Bodo Veber povodom susreta balkanskih lidera u Berlinu

# BiH ne treba očekivati ništa spektakularno

Konferencija ima simboličan značaj i neće donijeti ništa bitno novo za region ● Ideja potekla nakon susreta Merkel i albanskog premijera

Konferencija o zapadnom Balkanu koja će biti održana u Berlinu 28. avgusta ima simboličan značaj i neće donijeti ništa bitno novo za region, pa ni za BiH, smatra njemački politički analitičar i član nevladine organizacije Vijeće za demokratizaciju politike (DPC) Bođo Veber (Weber).

U izjavi za „Dnevni avaz“ on navodi da je ideja za sazivanje skupa, na kome će prisustvovati premijeri, ali i ne-

ki ministri balkanskih zemalja, potekla nakon susreta kancelarke Angele Merkel i premijera Albanije Edija Rame.

- Konfe- rencijom njemačka kancelarka u prvom redu, očigledno, želi poslati političku poruku



**Veber: Još nema zaokreta**



**Merkel: Domaćin skupa**

regiji da Njemačka ostaje posvećena zapadnom Balkanu, unatoč preokupiranosti Ukrajinom i konfliktom s Rusijom koji trenutno apsolutno dominira političkom scenom u Evropi.

Njemačka jeste u regiji pr-

venstveno angažirana u Srbiji i na Kosovu, odnosno oko neriješenog konflikta, i ostat će tu angažirana. U isto vrijeme

ideja pozivanja i ministara privrede iz regije očigledno je vezana sa sviješću o velikim ekonomskim problemima s kojima se bore zemlje zapadnog Balkana - kaže Veber u izjavi za „Dnevni avaz“.

No, naglašava da cijelu inicijativu ne bi trebalo u BiH razumjeti kao najavu ili

nadu za odlučni angažman Berlina u toj zemlji.

- Za takvo nešto, nažalost, i dalje nema nikakvih naznaka - rekao je Veber.

Kako je objavljeno tokom proteklih sedmice, premijeri, ministri vanjskih poslova i ministri ekonomije Slovenije, Hrvatske, BiH, Srbije, Crne Gore, Makedonije, Kosova i Albanije pozvani su na sastanak u Berlin 28. avgusta.

S. N.